

九、世間無常，唯道永恆

富比恆沙甲天下
貴若彌山蓋乾坤
浮塵變幻黃昏景
雲織晚霞瞬間失

萬物皆無常
生滅互相繫
心保常寂靜
恆守歡喜心

日昇隨日落，月虧復月盈，暗盡曙光現，雨過見天晴，歷史循環演，劇名稱無常。無常者即分秒盡在變化而無永恆之態，無常乃無常態，凡物必生滅。相亦無常相，故曰無相，無相即無永恆之相。世間萬物境象，無非水月鏡影，猶如夢幻泡影，亦似朝露電光，盡是過眼雲煙。

宇宙乾坤運轉不息，稱之常變不殆，生生不息，皆為無常變。如不隨宇宙大道運變而停竭者，必受淘汰。世人應知生於無常變化之空間，當隨之應變，然能隨遇而安者幾多？角色處變可為人察，如：在婦前為人夫；在子前為人父；為人職守為工或為主；在車內為乘客；在宴會中為賓，皆識其變化而適應之，方無出亂子。然當世人面對生命抉擇之變，卻迷惑當前。生死大義豈能馬虎草率而不知蛻化？嘆世道之無常，嘆人海之滄桑，浮生若夢，人生幾何？不知修德行仁，只曉爭名奪利，一切過眼雲煙，何苦也！古之石崇，富可敵國，昔之漢武，雄併天下，亦不過荒塚一坵，而今安在？

世間無常，慾念之起在於貪，不擇手段，能佔幾分，能霸幾年？色相貪之得之又何如？得之取之，必有歸還之日，何物能永垂不朽？何朝不曾換代？何物不曾易主？今君之所有皆曾是他人之物，一切萬物皆短暫。迷戀凡塵，面對無常，時喜時憂，恐懼之心雷同禽獸，凡塵再存何戀？收拾心情，放下眼前，一心修德方為上策。以智慧行修，外加恆耐，棄聰明於眼前，莫反被誤。一切以天下眾業為公，必成大業。娑婆萬物，全部皆為短暫之相，何不速修正道？有朝一日回歸大道，方知永恆為何物。